



U vezi sa realizacijom aktivnosti iz projekta ADRIANET koji se finansira iz IPA II Programa transnacionalne saradnje Interreg ADRIAN 2014-2020 – Projekt: ADRIANET (1091), i u kojem Stručna služba za razvoj i međunarodne projekte predstavlja partnera za realizaciju projektnih aktivnosti na području Zeničko-dobojskog kantona, a zbog ukazane potrebe za zaključivanje ugovora Stručna služba za razvoj i međunarodne projekte, dana **07.05.2020.** godine, objavljuje:

**JAVNI POZIV
za dostavljanje ponuda za pružanje vanjskih stručnih usluga fizičkih lica za realizaciju
projektnih aktivnosti iz Radnog paketa C (WP5) - Komunikacija**

Angažovano lice će, kao vanjski saradnik, raditi na poslovima i zadacima koji se odnose na realizaciju aktivnosti iz Radnog paketa C (WP5) – Komunikacija projekta ADRIANET, definisanim odobrenom aplikacionom formom projekta. Ovi poslovi i zadaci podrazumijevaju aktivnosti diseminacije i informisanja o projektnim rezultatima, provođenje komunikacijskih projektnih aktivnosti na lokalnom nivou, kao i nivou partnerstva u projektu, davanje doprinosa realizaciji komunikacijskog plana i projektne komunikacijske strategije, komunikaciju sa ključnim akterima, stranim i domaćim partnerima, državnim institucijama nadležnim za programe i projekte EU, pripremanje evaluacijskih izvještaja o komunikaciji, projektnih publikacija, javnih događaja, materijala i objava, prema sljedećim projektnim aktivnostima:

- Aktivnost C.1 - Uspostavljanje i planiranje komunikacije uključujući komunikacijsku strategiju i internet stranicu (doprinos izradi plana komunikacije i evaluacijskih izvještaja o komunikaciji);
- Aktivnost C.2 - Publikacije (doprinos izradi na nivou projekta i prilagođavanje za lokalne potrebe);
- Aktivnost C.3 - Javni događaji (organizacija, učešće i izvještavanje);
- Aktivnost C.4 - Promotivni materijal (prilagođavanje za lokalne potrebe i planiranje distribucije);
- Aktivnost C.5 – Elektronski mediji uključujući društvene mreže i multimediju (on-line kampanja za praćenje na društvenim mrežama i izvještavanje, doprinos sadržaju internet stranice projekta, koncipiranje kratkog video materijala, priprema objava, TV priloga, saopštenja).

Pored općih uslova (da je državljanin BiH, da je punoljetan, da ima opću zdravstvenu sposobnost za obavljanje poslova, da u posljednje dvije godine od dana objavljivanja poziva nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX. 1. Ustava Bosne i Hercegovine), kandidat treba da ispunjava i sljedeće **posebne uslove**:

- a) završen fakultet društvenog ili tehničkog smjera, što se dokazuje kopijom diplome;
- b) odlično poznavanje engleskog jezika, što dokazuje kopijom potvrde;
- c) iskustvo na implementaciji projekata koje finansira EU i drugi donatori, što dokazuje kopijom potvrde ili ugovora o ranijim poslovima sklopljenim sa naručiocem posla.

Kandidati treba da dostave prijavu sa sljedećim prilogima:

- biografiju,
- dokaze o ispunjavanju navedenih posebnih uslova,
- ukupnu neto cijenu usluge za period angažmana po satu.

**Prijave je potrebno dostaviti Stručnoj službi za razvoj i međunarodne projekte ZDK
adresa: Kučukovići 2, 72000 Zenica ili na
e-mail: sluzba.razvoj@zdk.ba**

Ovaj javni poziv ostaje otvoren do kraja implementacije projekta (juli 2022.)

